

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVICI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Broj: 01-04- 942 /26
Banovići; 12.03 2026. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH“ broj: 35/05), člana 15. Zakona o principima lokalne samouprave u Federaciji Bosne i Hercegovine („Službene novine F BiH“ broj: 49/06), člana 43. Statuta općine Banovići („Službeni glasnik općine Banovići broj. 2/20), člana 6. Pravilnika o uslovima i postupku ostvarivanja prava za sufinansiranje dijela troškova registracije djelatnosti na području općine Banovići u 2026. godini, broj: 01-04-915/26 od 11.03.2026. godine, općinski Načelnik raspisuje:

JAVNI POZIV

za sufinansiranje dijela troškova registracije djelatnosti na području općine Banovići u 2026. godini

Član 1.

Objavljuje se Javni poziv za sufinansiranje dijela troškova registracije djelatnosti na području općine Banovići u 2026. godini za fizička lica koja u periodu od 1.12.2025. godine do 25.12.2026. godine registruju, obrtničku djelatnost u osnovnom i dodatnom zanimanju, ugostiteljsku ili trgovačku djelatnost u Službi za privredu, planiranje i lokalni razvoj općine Banovići, osim djelatnosti koje su vezane za klađenje, igre na sreću i sl.

Za pravna lica koja u periodu od 1.12.2025. godine do 25.12.2026. godine registruju preduzeća; d.o.o., d.d. i sl. na području općine Banovići, osim djelatnosti koje su vezane za klađenje, igre na sreću, mikrokreditne organizacije, banke.

Član 2.

Sredstva za ovu namjenu predviđena su u Budžetu Općine Banovići za 2026. godinu sa pozicije „Subvencije za potporu i promociju obrta i poduzetništva“, ekonomski kod: 614 521.

Član 3.

Visina novčanog sufinansiranja dijela troškova registracije obrtničkih, trgovačkih i ugostiteljskih djelatnosti je 500,00 KM po jednom aplikantu.

Visina novčanog sufinansiranja dijela troškova registracije preduzeća - d.o.o., d.d. i sl. je 1.500,00 KM po jednom aplikantu.

Član 4.

Fizička lica (aplikant) uz zahtjev za sufinansiranje dijela troškova registracije djelatnosti dostavljaju sljedeću dokumentaciju: (original ili ovjerene kopije):

- *pravosnažno Rješenje o registraciji obrtničke, trgovačke ili ugostiteljske djelatnosti, izdato u periodu od 1.12.2025. godine do 25.12.2026. godine od Službe za privredu, planiranje i lokalni razvoj općine Banovići,*
- *obavještenje o razvrstavanju djelatnosti prema Klasifikaciji djelatnosti izdato od strane Federalnog zavoda za statistiku – kantonalni ured Tuzla,*
- *kopiju računa otvorenog kod poslovne banke ,*
- *kopiju poreznog broja (ID broj).*

Član 5.

Pravna lica (aplikant) uz zahtjev za sufinansiranje dijela troškova registracije djelatnosti dostavljaju sljedeću dokumentaciju (original ili ovjerene kopije):

- *aktuelni izvod iz sudskog registra o registraciji firme odnosno društva sa ograničenom odgovornošću d.o.o.; d.d. i sl. izdat u periodu od 1.12.2025. godine do 25.12.2026. godine,*
- *obavještenje o razvrstavanju djelatnosti prema Klasifikaciji djelatnosti izdato od strane Federalnog zavoda za statistiku – kantonalni ured Tuzla,*
- *kopiju poreznog broja (ID broj),*
- *kopiju računa otvorenog kod poslovne banke.*

Član 6.

Rok za podnošenje zahtjeva po ovom Javnom pozivu je 25.12.2026. godine.

Član 7.

Obrazac za prijavu na Javni poziv može se preuzeti u prijemnoj kancelariji prostorije Centra za pružanje usluga građanima (Šalter sala općine Banovići), kao i na web stranici općine.

Popunjen obrazac sa propisanom dokumentacijom predaje se putem pisarnice (Šalter sala) Službi za privredu, planiranje i lokalni razvoj općine Banovići.

Član 8.

Nakon prijema i obrade zahtjeva Služba za privredu , planiranje i lokalni razvoj općine Banovići dužna je u roku od 10 dana od dana prijema zahtjeva pregledati pristigle zahtjeve. Za aplikante koji ispunjavaju uslove Javnog poziva, Služba će sačiniti prijedlog za isplatu sa visinom novčanih sredstava, te isti predložiti općinskom Načelniku.

Sve dodatne informacije mogu se dobiti u Službi za privredu, planiranje i lokalni razvoj općine Banovići na broj telefona 035 743 446 svakim radnim danom od 07 h do 15 h, ili lično u prostorijama Službe.

Član 9.

Javni poziv ostaje otvoren do 25.12.2026. godine.

Za one aplikante koji uz zahtjev za sufinansiranje dijela troškova registracije djelatnosti ne dostave neophodnu dokumentaciju traženu ovim Javnim pozivom, Služba za privredu, planiranje i lokalni razvoj općine Banovići provodi postupak dopune zahtjeva prema podnosiocu u skladu sa Zakonom o upravnom postupku („Sl. novine FBiH broj: 2/98, 48/99 i 61/22).


Ukoliko podnosilac zahtjeva i nakon provedenog postupka dopune zahtjeva ne dostavi neophodnu dokumentaciju, Služba za privredu, planiranje i lokalni razvoj općine Banovići u skladu sa Zakonom o upravnom postupku („Sl. novine FBiH broj: 2/98, 48/99 i 61/22) donosi zaključak kojim se odbacuje zahtjev podnosioca.

Zaključkom će biti odbačeni i oni zahtjevi koji po bilo kojem osnovu ne ispunjavaju uslove propisane ovim Pravilnikom.

Na Zaključak je dopuštena žalba koja se izjavljuje općinskom Načelniku. Rok za podnošenje žalbe je 8 dana.

Dostavljeno

- 1x Oglasna ploča
- 1x web stranica općine
- 1x radio Banovići
- 1x a/a



OPĆINSKI NAČELNIK

dr. sc. Mehmed Hasanović, dipl. ing. maš.